

中國宗教歷史文獻集成續纂委員會續纂

卷一百一十五

藏外佛經

新學
佛學
研究
社
PDF

中國宗教歷史文獻集成之一

藏外佛經

新學社
PDG

中國宗教歷史文獻集成編纂委員會編纂

藏外佛經

第十三冊

黃山書社

新學
知
學
PDG

图书在版编目(CIP)数据

中国宗教历史文献集成. 13, 藏外佛经/周燮藩主编; 方广钊分卷主编. - 合肥: 黄山书社, 2005. 10
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117047 号



藏外佛經第十三冊目次

大佛頂如來密因修證了義諸菩薩萬行首楞嚴經

直捷解十卷

玉沙雙溪大師纂輯
清刻本

楞嚴經易知錄十卷

譯墨庵撰
民國木刻本

玉沙雙溪大師纂輯

清刻本

大佛頂如來密因修証了義諸菩薩
萬行首楞嚴經直捷解十卷

五沙雙溪大師纂輯

直捷解嚴

受益堂



正脉原序

京都西湖沙門交光直鑑述

本元覺海在纏名如來藏心湛寂性天當體號首楞嚴定豈惟世出世間從來不動亦且情與無情法爾無生奈何華起翳晴夢沉長夜於不動中而見遷流動轉於無生內而受生死輪迴若是則豈但凡外狂走不能脫於瀑流是雖權小劬勞亦未免於細注率由未見天真之本定徒攻縛識之枯禪所謂生滅為因終無實果也故我釋尊因中悟此為密因果中證此為極果寂場海印非不欲普灌醍醐而夢夜昏任要須待多方淘汰及其機熟仍示元心法華方以開

端斯經乃以竟記多聞示墮警狂慧策力於深禪答

定徵心破凡小全迷於偽定是必偽定全捨而後大定可聞由是向六根而指見性令親驗乎不動之本真會四科而示藏心令備明乎常住之自體復通七大極顯周圓阿難遂以讚不動尊謝希有定是尚未及於請修而所謝首楞嚴王非指自性本定而何哉此方答慶喜會妄歸真顯空藏不變之體下乃酬滿慈從真起妄顯不空隨緣之用又復雙明性相見空與不空二俱無碍而圓彰三藏之全體大用然後知一切事究竟堅固之定體本自圓成徹法源不動不

壞之楞嚴非由造作所謂奢摩他微密觀照發盡無餘回視強制識心思惟影相之定天淵未足爲喻矣然而定雖本有根結未開體固無虧用終不發由是當機思契入而喻屋求門如來示決定而指根明結於中列數量所以令其選圓推覽塵所以明其可盡疑斷滅則擊鐘以驗其不滅疑別有則現佛以証其無他乃至縮巾而六結有倫冥授而諸門悉啟及勅文殊之推選獨取觀音之耳門蓋必寂滅之直體現前而後圓應之妙用脩發直所謂如幻三摩提彈指超無學矣若夫道場三學秘咒四檀但爲修圓通而

障重者加行耳非別有異門也是則華屋之門方入而升堂入室不無所歷之位故當機繼是以請位焉佛乃揲加行圓通以爲三漸東三漸以爲乾慧卽以此心中流入由是生佛家而名十住行佛事而名十行攝歸三處名十向實證一直名十地以至等覺覆涅槃海卽大寂滅海而生死永寂妙覺入莊嚴海卽萬德果海而菩提永成顧謂歸無所得者明但復還乎本不動體而出現其本有家珍非從外得也豈同非因非果空無所獲哉斯乃依禪那以修進聖位而首楞嚴大定成始成終故結五名而囑其奉持焉至

於七趣勸離五魔教識亦前文要義特重伸以加詳耳最後深慈曷有窮已乎是則斯經也一乘終實圓頓指歸語解悟則密因本具非假外求語修證則了義妙門不勞肯綮十方如來得成菩提之要道無有越於斯門者矣夫何經本分明而註多鹵莽正脉既失本旨多乖後賢指摘成帙甚至但說本文學者莫決從違而臨文浩歎者多矣鑑長夜迷徒釋宗晚學賴聖賢加被發薄少善根偶窺華屋之門輒憫宮牆之望僭伸管見請正大方實非橫陳臆說而蔑先賢意惟曲順佛言而資後學知我罪我靡恤靡逃所冀

暫結喜緣普碎阿鼻而成樂國倘開妙悟咸歸大定而證菩提他日於諸佛會下寧非同行眷屬哉特撮畧以冠篇端

凡例十則

一是經自慈師疏解以來而註釋者不一其人至天如束爲會解以爲去取精當至論已定定明之鑑師正脉一出而先佛密因一經奧旨始以闡發無餘雲棲印其宗教雙明性相普融由一反聞入佛知見自經束震旦千五百年疏家未有也又妙峯曰楞嚴本旨如日初出非諸聖冥加決不至此其爲先達之信重如此故是解每篇首章悉取其文以成畫一之論間亦有增損者所貴理有據而詞不繁道既直而所趨者捷矣

一諸家註釋互有異同若其佳者如折梅檀片片皆香如碎珊瑚粒粒可珍後學盲昧焉敢妄有去取但以義既幽深詞須一轍使學者勿惑於多岐之見而已彙纂之義盡於是矣

一據溫陵判定說斯經時在般若之後而智圓諸師與正脉懸示中俱判歸法華涅槃之間說先說後各有理據酌以愚見謂總一佛言學者但當研窮妙理以求基乎聖階毋過爲此紛紛也

一斯經準常解有序正流通三大分復於正宗中開爲見修證結助五分其餘細科概置不錄雲棲曰

後學只須遵古不必另立新科增益繁瑣斯言盡之矣

一經中梵語除神咒不番外其餘俱詳本註下不用重譯

一經中法數本解已明其餘註中所有俱刊附卷末以備觀覽

一新彙諸註俱用圈隔間亦有不用者乃正脉中原有非新纂也

一據雲棲自序摸象一記謂於楞嚴中有大義未明處有衆說不同處發所未發辨所當辨則一字一句皆同無上了義閱者於註中所引尤當看眼

一雲棲曰凡看後解須先置本文於案上使前後貫穿庶可尋討此看經之法也後學當遵

一附載解中所引前代樞講諸大知識名目

福興惟慈 資中弘沆 直際崇節 攜李弘敏

長水子瑋 孤山智圓 吳興仁岳 泐潭曉月

溫陵戒環 獅林惟則 雲棲株宏 西湖真鑑

西蜀界澄 豫章性善 二楞通潤

時

雍正七年歲次己酉仲冬月望日受益堂敬識

大佛頂如來密因修證了義諸菩薩萬行首楞嚴經
直捷解卷第一

首經題二十字該盡全經義亦多攝文分七段、一
大、二佛頂、三如來密因、四修證了義、五諸菩薩萬
行、六首楞嚴、七經、大者具體、相用相稱其體體稱
其用故均名大、體大者無形之形離塵全性也、相
大者不有而有、光明寶運也、用大者至靈之靈宣
說神咒也、佛即頂上心佛、約化身言、身曰化者、隨
感而現、非尋常有、頂即世尊頂相、約報身言、身曰
報者、三祇果滿、萬德莊嚴、由一理而三身圓現、即

三身而一性無生、一多無礙、故名大佛頂、如來者
明大佛頂之果號、即放光交灌異口同音證大佛
頂之佛也、小乘抱寂、如而不來、衆生輪迴來而不
如、唯有諸佛、從如實際來化衆生、故名如來密因
者、明大佛頂之福慧也、唯證相應曰密、菩提智種
名因、其密有二、一者微密、即經文藉言顯理之慧
因也、二者秘密、即經咒心除習之福因也、修證
者、明大佛頂之功德也、行上二因曰修、獲自三身
曰證、據理則纖塵不立、修證何爲、涉用則種性各
殊、琢磨是要、夫迷真者、非修空假中之三觀、不能

治其習漏、歸真者、非證法報化之三身不能顯其
還源、一題之中緊要者唯此二字、了義者、明大佛
頂之直勝義性也、了謂決定、即一了當也、義謂
教義、節詮性之法也、諸菩薩者、明大佛頂之因號
也、諸字該一切發菩提心之人、梵語菩提薩埵此
云覺有情、諸佛獨稱覺者、衆生但名有情、菩薩具
二名者、現在衆生數也、發菩提心、依二密因、修六
度行、分斷無明、分證真理、故兼覺名、至等覺位、尚
有無明、未接法流、故兼有情、名萬行者、明大佛頂
之利益也、行門無量、萬爲總稱、廣約三千細行、八

萬威儀、三十七品、六度四心、調伏諸根、履踐諸位
之法則也、梵語首楞嚴、涅槃翻一切事究竟堅固
以此三摩提、究之親因、便得出纏、究心所在、無有
是處、究心幻體、前塵相想、究竟見是目眚、究精見
是二月、究竟妄起於無根、究竟本來常住、究之餘乘
外道錯亂修習、究之蘊入處界七大本如來藏、菩
薩依此修萬行、如來依此證三身故云一切究竟
堅固者、徹法底源、不動不壞、未修此定、一切事法
宛爾差殊、爲法所縛、得此定時、山河大地、明暗色
空一切事法、當處寂滅、即是常住心性、故云究竟

堅固經者梵語修多羅此云契經即吾佛契一心三觀之理合阿難恨請之機也。○溫陵曰大佛頂者覺皇示之以大法使不迷於小逕而默得手無外之體喻之以佛頂使不滯於相見而妙極乎無上之致。○澄師疏曰如來者按經云本如來藏妙直如性即般若所謂諸法如義也今言密因即指衆生本覺之心諸佛因此以成菩提所以名為如來密因因心本具隱而未顯曰密修證顯了受稱從果則名如來故如來名通因通果有性有修從因超果名菩薩萬行以果通因則曰如來也

唐天竺沙門般刺密諦譯

般刺密諦音

天竺此云月國沙門此云勤息般刺密諦此云極量譯者變梵音為華言鳥長國沙門彌伽釋迦譯語鳥長此云苑古彌伽釋迦此云能降伏

菩薩戒弟子前正議大夫同中書門下平章事房

融筆受

融即唐房琯之父筆授者秉筆而書之於策也。○按雲棲曰古本此後有羅浮沙門懷迪證譯

如是我聞一時佛在室羅筏城祇桓精舍與大比丘衆千二百五十人俱皆是無漏大阿羅漢

此六種成就也如是者指法之詞乃信成就也我聞者授受之本聞成就也一時者說法之時時成就也佛者覺義主成就也室羅筏此云豐德謂財實五欲多聞解脫四皆豐足祇陀波斯匿王太子之名桓林也精舍即給孤獨長者所建純一清靜無諸喧雜堪為佛說法之場處成就也此也此云乞士又云破惡又云怖魔千二百五十人者陳那等五人三迦葉兼徒一千舍利目連各兼徒一百

耶舍長者五十人經畧五人舉其大數也漏謂滲漏即欲漏有漏無明漏無漏者謂諸漏已盡不漏落於三界生死不能出離也阿羅漢此云無生亦云無學亦云應供大者大人修大行證大果也此衆成就也。○潤師曰此衆並先事外道勤苦屢劫一無所證纔遇如來即得聖果故感佛恩常隨佛化為常

隨衆也

佛子住持善超諸有能於國土成就威儀從佛轉輪妙堪遺囑嚴淨毘尼弘範三界應身無量度脫衆生

拔濟未來越諸塵累

得佛法分堪荷道業故稱佛子住佛所住持佛能
事故名住持三界二十五處受生因果不忘故云
諸有衆生所以有爲者居有也二乘所以棄有者
着空也菩薩不居空有者着中也佛子住持即三
界而出三界自利不滯偏空利他不隨諸有居有
不有住空不空不空而空不有而有中亦不着故
云善起國土約所化之處威儀約能化之規有威
可畏有儀可則從佛者非但隨從侍衛而已乃依
而不違其軌轍也轉有流行不滯之相輪有摧碾

運動之功蓋佛之法輪能摧碾衆生之粗細煩惱

長二

五

運出衆生生死險道佛能轉之菩薩亦依其軌轍
而轉之妙堪遺囑者以聲聞人願行非妙但取速
滅如世老人不堪寄囑今實菩薩又已從轉法輪
智慧雙妙堪承遺囑也遺囑謂佛入滅時囑累菩
薩弘法度生耳嚴以身言淨以心言十目所視十
手所指敢不嚴乎毫釐繫念三途禁固敢不淨乎
梵語尼尼此云調伏謂調練身心制伏過非即三
聚戒也弘範三界者弘開擴也範師範也三界即
欲界色界無色界也謂菩薩能爲三界之大軌範

衆生勞苦無量是解

卷

六

也應身無量度脫衆生者緣感則應隨類化身無
刹不現爲衆生說法令其度煩惱河脫淪溺苦如
舟師渡人也拔濟未來越諸塵累者拔挽之令起
濟接之使過未來者後世無量劫中也越者超出
也塵累者八萬四千塵勞累墜言菩薩挽拔接濟
未來無量有情使皆超出八萬四千塵勞不使累
墜於生死之苦域矣○溫陵曰此顯阿難同列之
德也凡經序衆皆隨緣起此經以阿難起教示聖
淫室疑若未能住持佛法善超諸有不堪遺囑度
生故因嘆同列之德以顯阿難示迹實無虧污意

在拔濟也

濟也

其名曰太智舍利弗摩訶目犍連摩訶拘絺羅富樓
那彌多羅尼子須菩提優波尼沙陀等而爲上首

舍利弗此云鶩子智慧第一故云大智摩訶此云
大目犍連此云采菽氏神通第一拘絺羅此云大
膝博學第一富樓那彌多羅尼子此云滿慈子說
法第一須菩提此云善吉亦云空生解空第一優
波尼沙陀此云塵性空於六塵中了悟色性第一
上首者此六尊者爲千二百五十衆之所推讓動

靜遵從不敢先越者也。○孤山曰：諸經列名不同，尚年臘則先陳如，尚聲德則先驚子，今從尚德之例也。

復有無量辟支無學，并其初心同來佛所，屬諸比丘。休夏自恣十方菩薩，決心疑飲奉慈嚴，將求密義。卽時如來敷座宴安，爲諸會中宣示深奧法筵，清衆得未曾有。迦陵仙音，徧十方界，恒沙菩薩來聚道場，文殊師利而爲上首。

辟支譯兼二類。一云獨覺，出無佛世，寂居觀化，自

東晉譯經錄

卷二

二

悟者也。一云緣覺，出有佛世，奉教觀十二緣，得道者也。無學者，果滿取證，無復前進也。初心，總該二乘有學，未至無學者也。同來佛所者，以此二衆臨期方來，不比常隨衆也。屬者，當也。遇也。休夏者，佛制夏月，護生避嫌，九旬禁足安居，不令乞食，自恣者，期滿解制，考劾九旬德業，自疑已過者，自請問佛，自不知過者，恣任僧舉也。咨，請問。決，求斷。心疑者，細心深疑，求佛剖斷也。欽奉慈嚴，將求密義者，慈以恩言，嚴以威言，衆心作念，未形於口，故曰將求。各懷清益，有求秘密咒者，有求微密法者，故云。

密義，敷座宴安者，展坐具而安處也。深奧者，超過權小，終實妙理，爲此經類引，卽應秘意之求也。清衆者，超塵入理，心境湛然，意兼合會，不止菩薩，得未曾有者，聞所未聞，歡喜踴躍，意迦陵妙聲，鳥佛音似之。恒沙菩薩者，以恒河沙記菩薩之數，言至多也。道場者，卽說法之地。文殊師利，此云妙德，楞嚴會上，爲擇法眼，故居上首也。時波斯匿王，爲其父王諱日營齋，請佛宮掖，自迎如來，廣設珍羞，無上妙味，兼復親延諸大菩薩，城中復有長者居士，同時飯僧，佇佛來應，佛勅文殊，分領菩

薩及阿羅漢，應諸齋主。

波斯匿王，此云勝軍，卽舍衛國王也。諱日者，卽親終之日。人子於是日言之，卽慟，故隱諱而不敢言。當其父王諱日修齋，所以資親也。宮掖者，內庭也。自迎者，敬之至也。珍羞者，貴重食品也。延亦迎請也。兼復親延諸大菩薩者，非急於主綬於伴者也。長者居士，同時飯僧者，感佛化儀，依教行施也。佇佛來應者，敬先專主，主臨而伴必至也。佛勅分應者，令無分別，獲福平等，若能等心而施，則雖佛滅後，福亦無不等矣。

唯阿難先受別請遠遊未還不違僧次既無上座及阿闍黎途中獨歸其日無供即時阿難執持應器於所遊城次第循乞心中初求最後檀越以為齋主無問淨穢刹利尊姓及梅陀羅方行等慈不擇微賤發意圖成一切衆生無量功德

菩薩戒經中第二十七有不許受別請一條言別衆而獨受請也一利養入已二使施者失平等心阿難此云慶喜是佛堂弟先受別請者先於自恣以前早受別種事緣所請矣違暇也次列也夫既遠遊未還故不暇在此自恣赴齋之列也上座者

佛制以歷夏淺深為上中下座歷四十夏者推為

卷一

九

佛制以歷夏淺深為上中下座歷四十夏者推為上座阿闍黎此云軌範能糾正弟子行者律制一僧遠出以二師翊從所以嚴行止也應器即鉢應已食量而為大小次第者不揀淨穢循乞者挨門而乞行佛規也初求者阿難前來未發此心今方始求也檀越此云施主最後者謂從無善心行施者也梵語刹利華言尊姓是淨者梅陀羅此云屠者殺生之家西域最鄙賤之不得與良家共居是穢者尊者乞供不問淨穢方行者微佛方法行也等慈者以己等心法化令彼等心食施總為圓成

一切衆生無量功德也

阿難已知如來世尊訶須菩提及大迦葉為阿羅漢心不均平欽仰如來開闢無遮度諸疑謗經彼城隍徐步郭門嚴整威儀肅恭齋法

已知者淨名會上早已知也訶者斥責也須菩提捨貧乞富意在與續善根恐將墮落且無減剋之難大迦葉捨富乞貧意在憐其久苦與植樂因且避趨富之議是以無學尊者而為此不平之行故佛斥責其非也開闢無遮者懲上二人各有遮限

今開發闡明無遮限之普心也

卷二

十

今開發闡明無遮限之普心也度諸疑謗者度彼疑謗衆生免令疑謗蓋偏貧多致疑而偏富多致謗也隍即城外無水之池郭門城門也齋法者臨齋法則也嚴整威儀肅恭齋法者尊者倍加矜持期於無碍之意也○澄師曰齋法者如分衛經云一切賢聖欲濟貧苦故入聚落當乞食時乃至入無城想見無人想故阿難嚴整肅恭者此法也○溫陵曰此敘平等行慈之意或局維摩經謂非如來訶責安知如來不誦淨明獨訶哉

爾時阿難因乞食次經歷姪室遭大幻術摩登伽女以娑毗迦羅先梵天咒攝入姪席姪躬撫摩將毀戒體

次卽處也謂次第所經之處也幻術能令人迷惑失其本心不覺隨從摩登伽此云本性此女多劫與阿難有姪愛之緣今更遇惑業習使然也娑毘迦羅卽黃髮外道所傳咒術稱梵天者妖術偽稱也攝入姪席者由阿難具佛二十相好登伽起愛咒巾覆食與之以咒力故阿難不覺入姪席也戒體卽獲戒心以初果道共戒力故身雖近而心未

摩訶般若經疏

卷三

十一

動然曰將毀亦既險矣。溫陵曰阿難於空王佛厥同佛發心功行固已侔佛但本願常樂多聞護持法藏不取佛果則今之示迹乃所以護持也蓋慧學方盛迷已之流一向多聞不修正定爲物所轉易遭邪染宛轉零落則佛之法藏殆無以護持故假多聞之人邪染之事起教以首楞嚴之大定資般若之大慧使定慧均等學行雙明則倒妄可銷妙湛可得不爲物轉而能轉物同如來矣。澄師曰爲度親因明經勝義故以摩登爲發起

如來知彼姪術所加齋畢旋歸王及大臣長者居士俱求隨佛願聞法要於時世尊頂放百寶無畏光明先中出生千葉寶蓮有佛化身結跏趺坐宣說神咒勅文殊師利將咒往護惡咒銷滅提獎阿難及摩登伽歸來佛所

知彼術加者以佛眼鑑徹無遠不在目前如來常儀齋畢說法今既速歸必有所爲故衆隨而來也於時者當戒體將毀未毀之時不先不後也頂卽肉髻百寶表萬用具含無求不應見攝受之慈無畏表羣邪並伏無惡不摧見折伏之威然從頂放

摩訶般若經疏

卷三

十二

无而又以化佛轉說所謂無爲心佛無上心法是也且從頂發揮表尊中之尊密中之密也蓮座化佛亦明其爲因果要用跏趺者疊足而坐神咒具四悉檀含精微之妙理有不測之威力也必勅文殊者非根本之大智無以濟多聞之實用也以神咒力邪咒既銷阿難如從夢醒登伽姪心頓歇宿恙根發證前三果發心出家故亦同來耳。孤山曰登伽得益經家不序者下文顯故然約實行則機熟得道之時由阿難牽以欲鉤故使後入佛智也若是大權則同阿難發起斯教以益羣機耳序

分竟。雲棲曰：阿難心雖清淨，道力尚微，倘無佛救，事或不測，故須護也。聖既示凡法，應如是。阿難見佛，頂禮悲泣，恨無始來一向多聞，未全道力。殷勤啓請十方如來，得成菩提，妙奢摩他、三摩、禪那。最初方便，於時復有恒沙菩薩及諸十方大阿羅漢、辟支佛等，俱願樂聞，退坐默然，承受聖旨。（此音聞）見佛以頂禮足者，酬頂咒之恩也。脫離反悲不喜者，恨多聞之誤也。悲者，傷痛之切，泣者，哽咽之聲。無始遠救多生，一向極言偏習，道力即指定力，恨字重看，以一時之誤，覺歷劫之非，多聞者從門入。

楞嚴經疏

卷一

五

也。全道力者，自修也。未全者，言其得初果爲見道，未得修證也。殷勤者，舍三請一謙，二遍三堅，梵語菩提，此云覺道，是佛三智圓滿，無上究竟之果。妙奢摩他，三摩、禪那者，圓覺畧疏云：梵語奢摩他，華言止，止即止寂之義。三摩鉢提，華言等持，昏沉掉舉皆離，曰等，令心專注一境，曰持。梵語禪那，華言靜慮，靜即定，慮即慧也。溫陵解曰：奢摩他云止，三摩鉢提云觀，禪那云靜慮，即圓覺靜幻寂三觀也。靜觀依覺滅塵，所以處已幻觀從定發行，所以應物寂觀雙忘起滅，所以泯迹。三者齊運，非三非一。

故以妙稱，又鑑師謂奢摩他，即正因佛性，乃性具，即定之慧也。三摩提乃性具，即慧之定也。禪那乃性具，雙融之定慧也。又潤師謂離萬法而獨露曰奢摩他，即萬法而無迹曰三摩提，在即離而非即，離曰禪那。此三者乃十方如來通修之大定，故尊者以此爲請也。澄師曰：阿難教多聞無功，所以發進修之旨，奢摩他等乃此經修行之法，蓋十方如來因修此法，得成菩提，而初心入之，必有方便，言最初者，即未獲正定，所有初心也。

楞嚴經疏

卷一

五

佛告阿難：汝我同氣，情均天倫，當初發心於我法中，見何勝相？頓捨世間深重恩愛。佛是淨飯王舅，阿難乃白飯王第二子，係佛堂弟，祖脉所關，故云同氣。天生同倫，非世結義，故云情均。深重恩愛，雖全該父母妻子，約下文則男女欲愛爲重。吳興曰：阿難既厭多聞而忻妙定，如來欲談實相，先詰妄緣，故問發心。

見相之由，爲止散入寂之本。

阿難白佛：我見如來三十二相，勝妙殊絕，形體映徹，猶如瑠璃，常自思惟：此相非是欲愛所生，何以故？欲

氣粗濁腥臊交遘膿血雜亂不能發生勝淨妙明紫金光聚是以渴仰從佛剝落

勝妙殊絕勝者諸天輪王所不能及妙者端嚴美麗燦若芬花殊絕者無比不思議也映徹者金色而明透也勝淨妙明淨者離諸染穢明者一一分明紫金光聚者佛身光明無量含之則融於一體放之則無數妙色無邊利益是以發心渴仰此乃宮中尋常思惟故從佛剝落捨世染緣也
佛言善哉阿難汝等當知一切衆生從無始來生死相續皆由不知常住真心性淨明體用諸妄想此想

不真故有輪轉

常住真心者常住則非生滅真心則非妄心性淨者本自無染明體者本自不昏卽後文根中指出漸次開顯如來藏妙真如性此其所迷之真也故曰不知妄想者識心分別卽上文所取思惟下文所破綠塵此其所執之妄也故曰用諸諸字助語詞猶於也言其本非真心錯認爲真遂致迷淪淪溺浩劫莫出也○溫陵曰衆生生死輪轉由不自知真心妙體妄纏愛想今阿難獨能知省厭捨所以稱善

法今欲研無上菩提眞發明性應當眞心訓我所問十方如來同一道故出離生死皆以眞心心言眞故如是乃至終始地位中間永無諸委曲相

研細究也眞發明性謂眞妄分明也眞心者心中原作何解卽照實說出不隱諱展轉心言不一也位果位也通始終中間所歷位次地位約十地言中間約信住行向加行等覺言委曲者紆迴留難也心言皆眞卽是眞因始終中間地位不委曲卽是眞果如形影不差異也

阿難我今問汝當汝發心緣於如來三十二相將何所見誰爲愛樂阿難白佛言世尊如是愛樂用我心目由目觀見如來勝相心生愛樂故我發心願捨生死

逐境貪着曰愛戀境不捨曰樂願捨生死跟生死相續來然此答在己爲眞類佛則曲何則此觀見之目卽眼根八法所造離塵則無也愛樂之心是第六識根塵緣生離根塵則無也八法者地水火風爲四大色香味觸爲四微出楞嚴義海○泐潭曰此正陳妄體也目卽眼根心卽意識根識虛妄